

十九人英電中國羅星使抱病甚重俄電政府令關東俄督查明成滿期滿各兵於今冬一律撤回政府不再派兵瓜代又俄

願以鐵路還華惟要素修理保護諸費約在五千萬以上又滿洲鐵路南至旅順北至哈爾濱兩旁均建兵房大有久居

之意○廿六又云中俄議訂滿洲約華政府忽不願畫諾英電聞俄政府急派一鐵艦三滅雷艇駛往華海又法水師已抵

突厥國瀾滄泥海口又俄國旅順總督上書海部云聞英願劃出威海衛一隅地讓中國重立海軍根本我俄亦當割

旅順一角以畀華且許中國海軍入旅順兵團練習各藝華弁亦可備具束修肄業我國海軍學校○廿七英電政府添

派本國馬兵七百名印度礮兵一隊坎那大馬兵千餘名往南斐洲以厚兵力又法水師進佔瀾滄泥海關將徵關稅

以抵前欠突廷願悉照前議籲法退兵京電李中堂因病出缺○廿八法電法外部電覆突廷俟得遵依確據即當撤戍○

廿九英電征斐兵失利副總理陣亡○晦日西十一月十號英電太子堯克上公遊歷回國後將襲封威利士親王兼吉賜德伯爵

又師丹達報得華電俄使密電徑呈 太后畧謂俄已決據滿洲如不得遂必有善策必傷貴國主權

補祝羅浮待鶴山人鄭陶齋觀察六十壽即步自壽元均

上海縷馨僊史蔡爾康初稿

憶入南山見豹斑。卻臨秋水羨鷗閒。著書蚤貫東西學。采藥新成大小還。爲國宣勞贊相契。與民爭利腐

儒訕。公受知於合肥侯相委總輪船招商局事試吟自壽驚人句。心跡雙清示九寰。

羅浮蹙讓趙師雄。垂老王臣蹇蹇躬。名世經綸鬱雷雨。救時藥石起疲癯。相期作楫兼調鼎。更喜通商進

惠工。公兼總採鑛鑄鐵織布通電造紙諸工藝我愧躋堂遲祝嘏。鞠華香裏契參同。

不佞少耽詞賦興到有作輒蒙文壇丈人嘉許顧終未敢自信也遭時多難強談經濟聲律對偶之學輟而不講者垂

十餘年更非徒三日不彈手生荆棘之謂乃香山鄭觀察出示自壽大箸殷殷屬和辭不獲命謹用元韻奉呈兩律詞

意謏劣未值一粲秋燈光裏錄付公報願海內詩人共正之也紫駁附志

刊誤記○本卷第廿四葉漏未送校今查得第十三行升竹珊中丞珊誤作銘 十七行祥符縣縣誤作錄 三十一行大車檻檻第二檻字誤作之 三十三行吳肅堂侍御下可讀二字應用小字○又按福州府遺缺知府似係翰林院編修故名震電碼名誤作同合并正之